



Konpòs sou twotwa nan chak lekòl K-12yèm ane

Chè Nouyòkè,

Liy sijè a di tout bagay: kounye a nou gen konpòs sou twotwa nan **chak** lekòl leta Vil Nouyòk! Apat prentan sa a, depatman sanitasyon Vil Nouyòk (New York City Department of Sanitation, DSNY) lan ap ramase konpòs senk jou pa semèn nan chak bilding lekòl K-12 atravè vil nou an. Epi, pou premye fwa, n ap kontinye fè konpòs pandan Summer Rising tou.

Konpòs se yon estrateji senp men enpòtan pou diminye fatra ak konbat chanjman klima a. Pou ane lekòl ki sot pase a sèlman, lekòl nou yo te itilize konpòs pou devye plis pase 13,000 tòn materyèl—soti nan arebò ki di nan pitza pase nan po zoranj rive nan po ze—ki t ap ale kote yo konn jete fatra yo.

Men kòman konpòs pral fèt: Elèv ak estaf mete sa yo pa manje nan manje yo, napkin ak plato ki paka resikle ak istansil nan poubèl mawon DSNY yo. Yo dwe separe manje yo kòrèkteman, epi anpil lekòl ap fòme ekip vèt (*Green Teams*) kote se elèv k ap responsab pou kontwole kòman y ap jete fatra nan kafeterya nou yo epi anseye kamarad li yo sou konpòs. Biwo nou pou enèji ak dirabilite (Office of Energy & Sustainability) bay fòmasyon sou konpòs ak sipò san kanpe pou edikatè nou yo, moun k ap fè antretyen bilding yo, ak moun k ap prepare manje lekòl yo.

Aprè DSNY fin ranmase sa yo pa manje nan manje yo, yo pral fè yo tounen angrè, ke lekòl nou yo ka mande pou itilize nan jaden lekòl li, oswa *biogas*, yon altènatif renouvlab pou konbistib fosil ki ka ede bay kouran nan vil nou an.

Mwen vle remèsye patnè nou yo nan DSNY paske yo fè gwo efò posib pou pwojè sa a; Mwen fyè pou m di ke nou gen pi gwo pwogram konpòs nan lekòl nan peyi a. Epi mwen gen espwa lè elèv yo pratike konpòs nan lekòl la, yo pral pataje konesans sa a avèk moun lakay yo—fanmi yo ka jwenn enfòmasyon sou konpòs nan katye yo [la a](#).

Lekòl san toksin, dirab ede gen yon vil pi sen, san toksin. Nan Lekòl Leta Vil Nouyòk, n ap fè pati pa nou an pou konbat chanjman klimatik epi kreye yon anviwònman ki pi sen pou nou tout.

Plane wo,

David C. Banks

Chanselye

Videyo aktyalite nou an:



Si w bezwen tradiksyon, tanpri ale sou [Paj YouTube](#) nou an.

Suiv nou sou entènèt nan [X](#), [Facebook](#), ak [Instagram](#) pou jwenn nouvèl ki pi resan an sou NYCPS.

Epi men [videyo Majistra Eric Adams pou semèn lan](#). Si w enterese resevwa nouvèl ki soti dirèkteman nan Biwo Majistra a, [tanpri klike la a](#).

Pou jwenn aksè nan soutit ki tradui: Klike sou ikòn “CC”. Klike sou ikòn “Setting” epi chwazi “Subtitles/CC” (“soutit/CC”). Seleksyone “Auto Translate” (“Tradiksyon otomatik”) epi chwazi lang ou a.

Fanmi NYCPS: Si w pa vle resevwa bilten nouvèl PS+You ankò, tanpri [retire non w sou lis la](#).